



ՔՐԻՍՏՈՍԻ ԾՆՆԴՅԱՆ ՏՈՆԸ ՀՈՒՆՎԱՐԻ 6-ԻՆ ՏՈՆԵԼՈՒ ՀԱՅ ԵԿԵՂԵՑՈՒ ԱՎԱՆԴՈՒԹՅՈՒՆԸ

Հնուց ի վեր Հայ Եկեղեցին Քրիստոսի Ծննդյան տոնը տոնել է հունվարի 6-ին, Քրիստոսի Մկրտության տոնի հետ միասին, մինչ մյուս Եկեղեցիները Քրիստոսի Ծննունդը տոնում են դեկտեմբերի 25-ին, իսկ Մկրտությունը՝ հունվարի 6-ին:

Դեռ վաղ միջնադարից սկսած այս տարբերությունը տեղիք է տվել բազմաթիվ վիճաբանությունների՝ հայ և օտար (հույն, վրացի, ասորի և այլն) Եկեղեցիների աստվածաբանների միջև: Օտար աստվածաբանները մեղադրել են Հայ Եկեղեցուն Քրիստոսի Ծնունդը հունվարի 6-ին տոնելու հարցում: Այս մեղադրանքն է պարունակում, օրինակ, Կեղծ-Սահակ կաթողիկոսի՝ հայերի դեմ ուղղված մեղադրական գրության 10-րդ ենթավերնագիրը¹: Իսկ հունարենով պահպանված մի անանուն գրության մեջ ասված է. «Հայերը հունվարի հինգին, առավոտյան, տոնում են Ավետումը, նույն օրվա երեկոյան՝ Քրիստոսի Ծնունդը, իսկ նույն անսվա վեցին՝ Մկրտությունը², իբրև անաստված Մանիի նման խոստովանողներ,

թե Քրիստոս մարդացել է երևութապես և ոչ թե ճշմարտապես»³: Այս վկայությունից բացահայտ երևում է, որ Քրիստոսի Ծնունդը հունվարի 6-ին՝ Մկրտության տոնի հետ միասին տոնելու Հայ Եկեղեցու սովորությունը, ըստ հույն անանուն հեղինակի, կապված է Հայ Եկեղեցու, իբրև թե, երևութական (ծայրահեղ միաբնակություն) վարդապետության հետ⁴: Սույն կարծիքը իր արձագանքն է գտել նաև 12-րդ դարում վրաց Եկեղեցական շրջանակներում ստեղծված Կեղծ-Հովհան Դամասկացու «Պատասխանիք առ Հայս» ծավալուն գրության մեջ⁵, ուր ասված

³ Սույն հատվածի հունարենը տպված է И. Троицкий, Изложение веры церкви Армянской, С.-Петербург 1875, էջ 201, ծանոթ. 2, արտատպված հեռագրով՝ Cotelier, Monumenta, t. III, p 506.

⁴ Տեղը չէ այստեղ անդադրառնալ այն հարցին, թե Հայ Եկեղեցու քրիստոսաբանությունը տուրք տալի՞ս է երևութական վարդապետությանը: Այս կարևոր հարցին կանոնադառնալք մի այլ առիթով:

⁵ Երկի սկզբում դրված են շուրջ 30 համառոտ մեղադրանքներ, որոնց հաջորդում են հակաճառական հոդվածներ՝ համառոտ մեղադրանքների հիման վրա: Ըստ Չ. Ն. Ալեքսիձեի, համառոտ մեղադրանքները նույնությամբ առկա են նաև Արսեն Վաչեսուր «Դոգմատիկոն» (վրացերեն) երկում: Համառոտ մեղադրանքների հայերեն և վրացերեն տեքստերի ջրնությունը Չ. Ն. Ալեքսիձեին բերել է այն համոզման, որ հայերենը թարգմանություն է վրացերենից, իսկ վրացերենը իր հերթին թարգմանություն է հունարենից: Թեև հարգարժան գիտնականին չի հաջողվել

¹ 'Ισαάκ, Δόγος στήλη τεσσάρων Παρί των Κακοδόξων Ἀρμενίων καὶ αἰρετικῶν, PG 132, 1228.

² Հույների մոտ տարածված այդ սխալ կարծիքը, իբրև թե հայերը միաժամանակ 3 տոն են տոնում, իր արտահայտությունն է գտել նաև 12-րդ դարում հույն պոստոստոառոտ Ալեքսի՝ Ս. Ներսես Շնորհալուն հանձնած գրության մեջ: Տե՛ս Ընդհանրական թուղթը Սբրյոն Ներսիսի Շնորհալոյ, Յերուսաղեմ, 1871, էջ 94:

է հետևյալը. «Վասն զի պաւետիա Կուսին ոչ ընդունին եւ ոչ զմարմնաւոր ծնունդ Տեառն ընդունին եւ ոչ տօնեն, բայց միայն ի Ձև Յունվարի, երեկոյնան աւուրս, գիշերն ծընունդն եւ յայգուն մկրտութեան ասեն տօնել: Որպէս եւ զմարդկային բնութիւնս են զկամս եւ ներգործութիւն ընդ աստուածային մի եւ խառնեալ ասեն, նոյնպէս եւ զերիս պայս խառնակեն եւ ուրանան ոչ գոյ, կամ առաջօք իբրեւ ընդ խողովակ անցեալ կամ զմկրտութիւն միայն ասեն, որ ձայն չօր եւ չոգոյն երեւեցան. եւ շնորհօք որդի Աստուծոյ լեալ ասեն»⁶:

Սույն տեսությունը, մինչև վերջերս, պաշտպանվել է Օրթոդոքս որոշ աստվածաբանների կողմից⁷: Այսպես, օրինակ, Խիոսի միտրոպոլիտ Գրիգորիսի «Հայերի՝ Արևելյան Ուղղափառ Եկեղեցիների հետ միության մասին» աշխատության ռուսերեն հրատարակության մեջ գրված է. «6-րդ դ. թե՛ Արեւելեան և թե՛ Արևմտյան Եկեղեցիները հաստատուն և միական ընդունեցին Քրիստոսի Տննդյան տոնը կատարել ղեկտեմների 25-ին: Սակայն Հայ Եկեղեցին, կարճ ժամանակից հետո, ընդհանրական Եկեղեցուց անջատված ասորի մոնոֆիզիտների (միաբընակ) ազդեցությամբ, փոխադրեց այն ղեկտեմների 25-ից հունվարի 6-ը»⁸:

գտնել հունարեն բնագիրը, սակայն նա ենթադրում է, որ այն ստեղծված պետք է լինի 8-րդ դարում: (З. Н. Алексидзе, Антимонофизитский трактат из „Догматикона“ Арсения Вачесдзе и его отклик в древнеармянской литературе (фразебрен), *исслед.* „Мравалтави“ Историко-филологические Разискания № 1 (1971), Тбилиси, стр. 133—158: Սույն հոդվածի բովանդակությանը մեկ ծանոթացրել է վրացագետ Պ. Չոբանյանը, որին և հայտնում ենք շնորհակալություն):

Ըստ Գ. Գարիտի, սակայն, համառոտ մեղադրանքների աղբյուրը Կեղծ-Սահակ կաթողիկոսի՝ հայերի դեմ ուղղված մեղադրական գրությունն է (G. Garitte, La source grecque des „trente articles“ géorgiens contre les Arméniens, *ՀՀՄՀԷԱ Ամսօրհայ* 1976, 111—116):

⁶ «Լույս» 1905, էջ 1112—1113 (համառոտ մեղադրանքից): Տե՛ս նաև ընդարձակ մեղադրանքը՝ «Լույս» 1906, էջ 957—960, 1075—1079:

⁷ Այս տեսության դեմ է խոսել Ի. Տրոիցկին, անդ, էջ 201—203:

⁸ О мерах и достижения единения Армянской и Православно-Католической церкви. С.-Пб. 1868, стр. 101:

Այստեղ պետք է նշել, որ նույն գրքի հունարեն հրատարակության մեջ չկան «ընդհանրական Եկեղեցուց անջատված ասորի միաբնակների ազդեցությամբ» բառերը: Տե՛ս Իրիգորիուս *μητροπολίτου Χίου* τού

Ս. Ներսես Ընդհալու օրոք տեղի ունեցած հայ-հույն եկեղեցական հարաբերությունների ժամանակ, երկու Եկեղեցիների միության համար Կիո Էմանուել կայսրի կողմից առաջադրված պահանջներից 4-րդը վերաբերում էր տոներին, ուր Հայ Եկեղեցուց պահանջվում էր Քրիստոսի Տնունդը տոնել ղեկտեմների 25-ին⁹: Այս խնդիրը իր հերթին դարձել է Ս. Ներսես Ընդհալու և Հույն Եկեղեցու ներկայացուցիչ Թեոփիանոսի միջև ծավալված երկխոսությունների չորս կարևոր հարցերից մեկը¹⁰:

Քրիստոսի Տնունդը հունվարի 6-ին տոնելու Հայ Եկեղեցու սովորության դեմ Օրթոդոքս աստվածաբանների հակադրության մասին տեղեկանում ենք նաև Հայ Եկեղեցու բազմաթիվ վարդապետների, այդ թվում Անանիա Շիրակացու, Պողոս Տարսուացու, Մովսես Երզնկացու և այլոց գործերից, որոնց մենք կանդաղադանանք ստորև:

Բնական է, որ նման պայմաններում, երբ Հայ Եկեղեցին մեղադրվել է օտարների կողմից, Հայ Եկեղեցու վարդապետները ձեռնարկեին մեր Եկեղեցու սովորության ջատագովությունը: Եվ իրապես, վերոհիշյալ խնդրի շուրջ ստեղծվել է պատկանելի գրականություն:

Նախքան այդ գրականության վերլուծության անցնելը, սակայն, անհրաժեշտ է նախ ճշտել Քրիստոսի Տննդյան (և Մկրտության) տոնի պատմությունը ընդհանրական Եկեղեցու կյանքում, մինչև Ե—2 դարերը: Ճշգրիտ հայտնի չէ, թե երբ է հաստատվել Քրիստոսի Տննդյան տոնը: Հայտնի է միայն, որ 4 դարի վերջերից արդեն հունվարի 6-ին տոնվում էր «Հայտնություն», (*Ἐπιφάνια*), կամ «Աստվածահայտնություն» (*Θεοφάνεια*) տոնը, որը իր մեջ ընդգրկում էր Քրիստոսի Տննդյան և Մկրտության հիշատակները¹¹: Քրիստոսի մարդա-ցումով Աստված հայտնվում է մարդկանց: Քրիստոսի մկրտության ժամանակ Հայր

Βουζαντίου, Περί 'ενώσεως τῶν 'Αρμενίων μετὰ τῆς 'Ανατολικῆς 'Ορθόδοξης 'Εκκλησίας, 'εν Κ/πολεὶ 1871, էջ 88.

⁹ Ընդհանրական թուղթ ... էջ 156:

¹⁰ PG 133, 181—185:

¹¹ Այս մասին հանգամանորեն տե՛ս Բ. Խ. Փեթա 'Εκκλησιαστική 'Ιστορία, I/α, 'Αθήναι 1978, σ. 190: Բ. Կ. Տεֆանիդու, 'Εκκλησιαστική 'Ιστορία, 'Αθήναι, 1970, σ. 313—314: Լ. Է. 'Αναστασιου, 'Εκκλησιαστική 'Ιστορία, Α', Θεσσαλονίκη 1979, σ. 211, 520—521: 'Α. Παπαδόπουλος, 'Αγιολογία, Θεσσαλονίκη 1985, σ. 86—87: The Oxford Dictionary of the christian Church, Ed. by F; L; Gross and E; A; Livingstone, Oxford 1974, p. 280—281 և այլն:

Աստված վկայում է «Դա է Որդի իմ սիրելի, ընդ որ հաճեցալ» (Մատթ. 4 17, հմմտ. Մարկ. Ա 11, Դուկ. 4 22), և Ս. Հոգին աղավանակեալ իջնում է Քրիստոսի վրա, այդպիսով տեղի է ունենում երկրորդ Աստվածահայտնությունը: Ահա և Քրիստոսի թե՛ Մենդյան և թե՛ Մկրտության միջոցով հաստատված Աստվածահայտնություններն էլ պատճառ են դարձել, որպեսզի այդ երկու հիշատակները նախնական եկեղեցում տոնվեն միասին, հունվարի 6-ին «Հայտնություն», կամ «Աստվածահայտնություն» ընդհանուր անվան տակ: Տոնակատարությունը սկսվում էր հունվարի 5-ի երեկոյան և շարունակվում կեսգիշերից հետո: Տոնը կոչվել է նաև «Լույսերի տոն» (Τὸν φωτός ημερῶν)¹², որովհետև տաճարներում, քրիստոնյաների ձեռքերին բազմաթիվ լույսեր (լամպեր) կային: Երեկոյան կատարվում էր ջրի սրբազործումը, որի մեջ ողջ գիշեր մկրտվում էին նախորդ տարվա ընթացքում քրիստոնեական վարդապետությամբ սնված երախաները: Ինչպես երևում է Գրիգոր Աստվածաբանի Մկրտության ճառից, հիմնական տոնակատարությունը կատարվում էր հունվարի 6-ին¹³:

Ի տարբերություն ալեքսանդրյան, Հռոմում, 336 թ. սկսած, Քրիստոսի Մենդյան տոնը կատարվում էր առանձին, դեկտեմբերի 25-ին: Այդ մասին մենք տեղեկանում ենք 354 թ. գրված Հռոմեական եկեղեցու օրացույցից, որ կոչվում է Ֆիլոկալյան օրացույց¹⁴: Ըստ այդ օրացույցի, տարվա սկիզբը դրված է դեկտեմբերի 25-ին: Այդ օրը հետևողները տոնում էին Անայարտելի Արևի ծննդյան տոնը (Natalis Solis Invicti)՝ այսինքն լույսի հաղթանակը խավարի նրկատմամբ, ցերեկի երկարումը գիշերվա նրկատմամբ: Հետևողական այս տոնին Հռոմի քրիստոնյաները հակադրեցին ձմարիտ Լուսի, Արդարության Արևի՝ Քրիստոսի Մենդյան տոնը: Քրիստոսի Մենդնը դեկտեմբերի 25-ին տոնելու Հռոմի եկեղեցու նախաձեռնությունը նախ տարածվեց Արևմուտքում, իսկ ապա անցավ Արևելք: Այսպես, Հովհան Ոսկեբերանը 386 թ. արտասանած իր

Մկրտության ճառում¹⁵ հայտնում է, որ 10 տարի է, ինչ Անտիոքում (անշուշտ ո՛չ բոլոր եկեղեցիներում) Քրիստոսի Մենդյան տոնը կատարվել է դեկտեմբերի 25-ին: 379/81 թթ. Գրիգոր Աստվածաբանի Կ. Պոլսում խոսած առանձին ճառերը Քրիստոսի Մենդնդյան¹⁶ և Մկրտության¹⁷ տոների առթիվ, կարող են ենթադրել տալ, թե այդ ժամանակ Կ. Պոլսում նույնպես Քրիստոսի Մենդնը սկսել է տոնվել դեկտեմբերի 25-ին:

Հայտնի է, որ Քրիստոսի Մենդյան տոնը դեկտեմբերի 25-ին տոնելու սովորությունը Ալեքսանդրիայի եկեղեցին որդեգրել է 433 թ. շուրջ,¹⁸ Կյուրեղ Ալեքսանդրացու ժամանակ, իսկ Երուսաղեմի եկեղեցին՝ 549 թ.¹⁹:

Այսպիսով, Ե—Ջ դարերում արդեն գրեթե բոլոր եկեղեցիները Քրիստոսի Մենդյան տոնը սկսում են տոնել դեկտեմբերի 25-ին: Հայ եկեղեցին է միայն, որ հավատարիմ է մնում հնավանդ սովորությանը:

Հայ մատենագրության մեջ առաջին վկայությունը Քրիստոսի Մենդյան տոնը հունվարի 6-ին տոնելու մասին հանդիպում ենք «Յովհաննու հայոց կաթողիկոսի ի Յայտնությունն Քրիստոսի»²⁰ գրության մեջ: Ըստ հեղինակի, այս տոնի պատճառը Աստուծո Միածին Որդու երկու սբանչելի ծնունդներն են. «առաջին լսատուածածին կուսէն սրբոյ և երկրորդ լետ երեսուն ամի ի ամին աւուրս մկրտութեամբ ի Յորդանան...»²¹: Տոնը կոչվում է Հայտնություն, որովհետև Ս. Հոգին «Ի նմին աւուր իջեալ լերկնից նմանութեամբ աղաւնոյ, հանգչեր ի վերայ՝ յայտնելով վնա Փրկիչ աշխարհի, որպէս ի Մենդեանն, նոյնպէս և ի Մկրտութեանն»²¹:

Ինչպես այս, այնպես էլ հետագայում գրված Անանիա Շիրակացու,²² Ստեփանոս

¹⁵ PG 49, 353. Յե՛ս Բ. Տաթարիձ, էջ 313.

¹⁶ PG 36, 312—333.

¹⁷ PG 36, 360—425.

¹⁸ PG 77, 1433. Նմմա. Բ. Տաթարիձ, էջ 314.

¹⁹ PG 88, 197. Յե՛ս նաև The Oxford Dictionary էջ 280, Բ. Տաթարիձ, էջ 314.

²⁰ Ամենայն հավանականությամբ այս գրության հեղինակը Հովհաննես Բ Գաբելիացին է (557—574): Այդ է վկայում թղթի տեղը «Գիրք թղթոց» ժողովածուում, Հովհաննես Բ կաթողիկոսի թղթերի կարգին, էջ 85—89: Ամեն պարագայի՝ այն գրվել է է դարից առաջ, որովհետև արդեն է դարի սկզբին մտել է «Գիրք թղթոցի» մեջ:

²¹ «Գիրք թղթոց», Թիֆլիս, 1901, էջ 85:

²² Ա. Աբրահամյան, Շիրակացու մատենագրությունը: Երևան, 1944, էջ 283—291, Անանիայի Շիրակացու համարողի ասացել ի Յայտնությունն Տեառն եւ Փրկչին մերոյ (այսուհետև՝ Անանիա Շիրակացի):

¹² «Լույսերի օր»: Տե՛ս Գրիգոր Աստվածաբանի «Ի Յայտնությունն Տեառն» ճառը, որի հունարեն բնագրի վերնագիրն է «Εἰς τὰ ἄγρια Φῶς», PG 36, 336.

¹³ PG 33, 360:

¹⁴ Այս աղբյուրի մասին տե՛ս 'A. Harnack, *op. cit.*, անդ, էջ 16—17, The Oxford Dictionary, էջ 280, 284 (ուր և անհրաժեշտ գրականությունը), 1084 և այլն:

Սյունեցու,²³ Անանիա Սանահնեցու,²⁴ Պողոս Տարոնացու,²⁵ Ներսես Շնորհալու,²⁶ Մխիթար Գոշի,²⁷ Ստեփանոս Օրբելյանի,²⁸ Կիրակոս Երզնկացու,²⁹ Մովսես Երզնկացու,³⁰ Գրիգոր Տաթևացու³¹ և այլոց երկերում արտահայտված են մի շարք ապացույցներ, ի նըպաստ Քրիստոսի Ծնունդը հունվարի 6-ին տոնելու Հայ Եկեղեցու սովորության վավերականության:

Այդ ապացույցները կարող ենք ներկայացնել հետևյալ կետերում.

²³ Ստեփանոսի Սիւնեաց եպիսկոպոսի, Մեծի իմաստասիրի, Պատասխանի թղթոյն Անտիոքու եպիսկոպոսի վոր վասն հաւատոյ գրեալն էր Գիրք թղթոց, էջ 323—334, (այսուհետև՝ Ստեփանոս Սյունեցի): Սույն թղթի հեղինակությունը վիճելի է: Հահն վրդ. Գասպարյանը (Տե՛ս «Լույս» 1905, էջ 114), Կարապետ եպս. Տեր-Սկրտչյանը (Կնիք հաւատոյ, Էջմիածին, 1914, էջ CHH-CIV) և ուրիշներ այն համարում են կեղծ գրություն:

²⁴ Վասն տոնի Ծննդեան Քրիստոսի: Տե՛ս Երևանի Մաշտոցի անվան Մատենադարանի ձեռ. № 6453, էջ 66ա—72բ, ուր այն հանդես է գալիս իբրև Անանիա Սանահնեցու «Հակաճառություն ընդդէմ երկաբնակաց» ժողովածուի գլուխներից մեկը: Վասն տոնի Ծննդեան Քրիստոսի գլուխը, բացի վերջին հատվածից (էջ 71—72բ) նույնությամբ և բառացիորեն նույն է Անանիա Շիրակացու վերոհիշյալ գործի առաջին՝ հիմնական մասի հետ (էջ 283—290-ի սկիզբը) (այսուհետև՝ Անանիա Սանահնեցի):

²⁵ Թուրք երանելոյն Պողոսի Տարոնացոյ յաղթող այսոյեան վարդապետի՝ ընդդէմ Թէոփիստեայ Հօռոմ փիլիսոփային: Կ. Պոլիս, 1752, էջ 213—237 (այսուհետև՝ Պողոս Տարոնացի):

²⁶ Ընդհանրական թուրք... էջ 94—95, 135—138 (այսուհետև՝ Ներսես Շնորհալի):

²⁷ Թուրք Մխիթար վարդապետին, որ Գոշն կոչւր: «Արարատ» 1900, էջ 567—568, 1901, էջ 55 (այսուհետև՝ Մխիթար Գոշ):

²⁸ Տեառն Ստեփաննոսի Սիւնեաց նախագահ Արի եպիսկոպոսի՝ Հակաճառություն ընդդէմ երկաբնակաց: Կ. Պոլիս, 1756, էջ 113—131 (այսուհետև՝ Ստեփանոս Օրբելյան):

²⁹ Կիրակոսի վարդապետի Երզնկացոյ թուրք Առ Կարնեցիս, համեմատական բնագիրը Սամվել սրկ. Դանիելյանի, Հոգևոր ձեռնարանի ավարտաճառ, Ս. Էջմիածին, 1986 (անտիպ) (այսուհետև՝ Կիրակոս Երզնկացի):

³⁰ Մովսէսի Հայոց վարդապետի գրեալ պատասխանիք թղթոյն Տրապիզոնի առ հատուածեալն Գրիգոր երեք, հր. Եզնիկ արեղա Պետրոսյանի, «Էջմիածին» 1975 Ա 31—40 (այսուհետև՝ Մովսես Երզնկացի):

³¹ Գիրք հարցմանց, Գրիգորի Տաթևացոյն: Կ. Պոլիս, 1829, էջ 482—485 (այսուհետև՝ Գրիգոր Տաթևացի):

ա.—Հայտնության տոնը հաստատել է Հակոբոս Տեառնեղբայրը և հրամայել մի օրում տոնել Քրիստոսի Ծնունդն ու Մկրտությունը:³² Հակոբոս Տեառնեղբայրը, ականատես լինելով Քրիստոսի կյանքի դեպքերին, առաջին իսկ վայրկյանից սկսած, ստույգ պիտի իմանար Քրիստոսի Ծննդյան թվականը³³: Եվ երբ նա հաստատեց այս տոնը, Աստվածածինը և առաքյալները դեռ կենդանի էին և ոչ ոք չհակառակվեց, այլ ընդհակառակն, տոնեցին Քրիստոսի Ծննդյան տոնը հունվարի 6-ին, և այսպես շարունակվեց մինչև Հուստիանոս կայսրը «որ պտուրբն Սոփի շինեաց: Եւ ի հայոց թուականի լուսկիպն բարձին զԾնունդն Տեառն, և մինչև լայնմ ամի ի բազում տեղիս՝ զտոն Ծննդեան Տեառն ի լուսկարի վեցն կարգէին»³⁴:

բ.—Անանիա Շիրակացին և Պողոս Տարոնացին իրենց փաստարկների կարգին մեջ են բերում նաև Առաքելական կանոնների 2 կանոնը. «Քանզի գրեալ է ի վեցերորդ գլուխ կանոնացն այսպէս. եթէ՝ կարգեցին առաքեալքն եւ եղին հաստատութեամբ, թէ եղիցի տառն Ծննդեան եւ Յայտնութեանն Տեառն և Փրկչին սերոյ զլուսի եւ առաջնորդ տառնից եկեղեցւոյ, որ աւր ԻԱ է տիբեթ ամսոյ, որ է 2 լուսնարի ըստ հռովմայեցոց»³⁵: Առաքելական կոչված այն կանոնախումբը, որից բաղված է այս վկայությունը, ունի ատորական ծագում³⁶:

գ.—Քրիստոսի Ծնունդը հունվարի 6-ին տոնելու առաքելադիր սովորությունը վերահաստատվել է Նիկիայի ժողովում³⁷: Դրվ-

³² Ձրոյցք Կոմիտասայ Հայոց Հայրապետի եւ պատրիարքի Կ. Պոլսոյ, Գիրք թղթոց, էջ 484—485:

Ստեփանոս Սյունեցի, էջ 325:

Անանիա Սանահնեցի, էջ 72ա:

Մխիթար Գոշ, էջ 567:

Պողոս Տարոնացի, էջ 213:

Ստեփանոս Օրբելյան, էջ 123:

Գրիգոր Տաթևացի, էջ 482—484:

³³ Ստեփանոս Սյունեցի, էջ 325—326: Պողոս Տարոնացի, էջ 214: Ստեփանոս Օրբելյան, էջ 126:

³⁴ Պողոս Տարոնացի, էջ 214:

³⁵ Անանիա Շիրակացի, էջ 283, հմմտ. Պողոս Տարոնացի, էջ 228, Կանոնագիրք հայոց Ա, աշխատասիր. Վազգեն Հակոբյանի, Երևան, 1964, էջ 32: Կանոնագրքում այն հանդես է գալիս իբրև 7-րդ հոդված, փոխանակ 6-րդի: Այս մասին տե՛ս Կանոնագիրք հայոց, Ա, էջ 543—544:

³⁶ Ասորերեն բնագրի հայերեն թարգմանությունը տե՛ս, Հ. Հ. Տաշյան, Վարդապետությունն առաքելոց, Վիեննա, 1896:

³⁷ Անանիա Շիրակացի, էջ 283—284: Մխիթար Գոշ, էջ 567: Ստեփանոս Օրբելյան, էջ 130: Գրիգոր Տաթևացի, էջ 484:

բախտաբար Նիկիայի ժողովի արձանագրությունները մեզ չեն հասել և չենք կարող ճշտել այս տեղեկության ճշտությունը³⁸:

Ըստ Անանիա Շիրակացու, այդ մասին մենք տեղեկանում ենք Նիկիայի ժողովի մասնակից Երուսաղեմի Մակար հայրապետի նամակից, որ ուղարկել է Հայաստան, Մկրտության խորհրդի կապակցությամբ: Սույն թղթի 6-րդ գլխում Երուսաղեմի հայրապետը նշում է, որ Մկրտությունը ընդունված է կատարել 3 մեծ տոների՝ «ի սուրբ Յայտությունն Օրենդեանն Տեառն, եւ փրկական կտակի կենարար չարչարանացն Քրիստոսի, եւ ի 29-նորիայից Պենտեկոստին... Չոր պարտ է փերանքաչիւր տանիցն պատճառ Յնդեանըն և Մկրտութեան ծանուցանել քի եւ դուք ի նոյն փութացեալք կատարեցէք. քանզի լուսաւոր Յնդեանն Քրիստոսի եւ մեր մեղսաքաւիչ ծնունդ սրբոյ աւազակնն ի նմին փրկական աւուրն կատարեցաւ, քի ի նմին աւուր առ յանձն մկրտիլ յաղագս առ մեզն քի ջանելոյ»³⁹:

Մխիթար Գոշի թղթում հարցը ներկայացված է մի փոքր այլ կերպ: Այստեղ Արիստակես հայրապետը Նիկիայի ժողովում Երուսաղամի հայրապետից «ընկալաւ զեղեալ ընթերցուածն յառաքելոց» և եբեր ի Հայք»⁴⁰:

դ.—Քրիստոսի Յնդեան տոնը հունվարի 6-ին տոնելու առաքելական կարգադրությունը վերահաստատել է Երուսաղեմի Կուրեղ հայրապետը (315—386), որը և դեկտեմբերի 25-ը նշանակել է «Տոն Դաւթի մարգարէի և Յակովբայ առաքելոյն»⁴¹:

ե.—Քրիստոսի Յնդեան թվականը որոշելուն ելակերտ է համարվել Եղիսաբեթի հղության օրը:

Հռեական նշանավոր տոներից էին Քավության և Տաղավարահարաց տոները: Քավության տոնը սկսվում էր Թշրին ամսի 10-ին (=սեպտեմբերի 27) և տևում 5 օր, որին հաջորդում էր Տաղավարաց տոնը, որ սկսվում էր Թշրին ամսի 15-ին և տևում 7 օր:

Քավության տոնի նպատակն էր մարդկանց, տաճարի և ողջ երկրի սրբունը մեղ-

քերից⁴²: Առաջին օրը, տարին մի անգամ լինելով, քահանայապետը մտնում էր Սրբություն Սրբոց, խնկարկելու և ողջակեպի արյունը ցանելու այնտեղ գտնվող սրբությունների վրա: Ղուկաս Ավետարանիչը վկայում է, որ Եղիսաբեթի հղության տարին քահանայապետը նրա ամուսինն էր՝ Եղիսաբարը: Ներանք «երկունս էլ Աստուծո առաջ արդար էին ու անարատ կերպով ընթանում էին Տիրոջ բոլոր պատվիրանների և օրենքների ճանապարհով: Նրանք որդի չունեին, որովհետև Եղիսաբեթը անույ կր և երկունս էլ իրենց առաջացած տարիքում էին» (Ղուկ. Ա 7—8):

Եվ երբ Տաղավարաց առաջին օրը, Թշրին ամսի 10-ին Եղիսաբեթը մտնում էր Սրբություն Սրբոց, այնտեղ նրան հրեշտակը ավետում է. «Չաքարիա, որովհետև քո աղոթքը լսելի եղավ, քո կինը՝ Եղիսաբեթը, մի որդի կծնի քեզ և նրա անունը Հովհաննես կդնես» (Ղուկ. Ա 13):

Ղուկաս Ավետարանիչը վկայում է, որ «Երբ պաշտամունքի իր օրերը լրացան, զնաց իր տունը: Այդ օրերից հետո նրա կինը՝ Եղիսաբեթը, հղիացավ» (Ղուկ. Ա 23—24):

Ըստ Հայ Եկեղեցու վարդապետներ Անանիա Շիրակացու, Պողոս Տարոնացու, Ներսես Շնորհալու, Ստեփանոս Օրբելյանի, Կիրակոս և Մովսես Երզնկացիների, Գրիգոր Տաթևացու և ուրիշների, պաշտամունքի 12 օրերը լրանալուց հետո միայն, ինչպես որ վկայում է Ղուկաս Ավետարանիչը, Չաքարիան զնաց տուն «որ ոչ յԵրուսաղեմ էր, այլ ի լեռնակողմն» և հետևաբար Եղիսաբեթի հղությունը չէր կարող Թշրինի 22-ից (=հոկտեմբերի 9) շուտ լինել: Եվ քանի որ Աստվածածնի հղությունը եղել է 6 ամիս հետո, ապա հոկտեմբերի 9-ին գումարելով 180 օր, կատանանք ապրիլի 6-ը կամ 7-ը, երբ և տոնվում է Ավետման տոնը: Ապրիլի 6-ին (կամ 7-ին) էլ գումարելով անդրանիկ հղության 9 ամիս և 5 օրը (=275/6 օր) կատանանք հունվարի 6-ը⁴³:

Այս հաշվարկը սխալ է կատարել հերետիկոս Արտեմիդը⁴⁴, որ Եղիսաբեթի հղությունը

³⁸ Ծանոթ. «Կանոնք Նիկիական»-ը բովանդակում են Նիկիայի ժողովի վարչա-կարգապահական կանոնները միայն: Տե՛ս, Կանոնագիրք Հայոց, Ա, էջ 14—131: Πρακτικά τῶν ἁγίων καὶ Οἰκουμένων συνόδων. Τ. Α., «Ἄγιον Ὄρος» 1981, σσ. 234—236.

³⁹ Անանիա Շիրակացի, էջ 284:

⁴⁰ Մխիթար Գոշ, էջ 567:

⁴¹ Չրոյցք Կովիտասայ, էջ 484: Ստեփանոս Սյունեցի, էջ 325: Անանիա Շիրակացի, էջ 285—7: Անանիա Սանահնեցի, էջ 72ա-բ: Մխիթար Գոշ, էջ 567: Ստեփանոս Օրբելյան, էջ 123: Գրիգոր Տաթևացի, էջ 484:

⁴² B. M. Béla. 'Εθραϊκή 'Αρχαιολογία, 'Αθήναι 1980, էջ 203—206; H. B. Οικονόμου. Παραδόσεις 'Αρχαιολογίας τῆς Παλαιστίνης καὶ Βιβλικῆς Θεολογίας, 'Αθήνα 1985, էջ 401—403.

⁴³ Անանիա Շիրակացի, էջ 288—289: Պողոս Տարոնացի, էջ 218—225: Ներսես Շնորհալի, էջ 95, 136: Ստեփանոս Օրբելյան, էջ 124—125: Կիրակոս Երզնկացի, էջ 26: Մովսես Երզնկացի, էջ 35: Գրիգոր Տաթևացի, էջ 483—484:

⁴⁴ Կոչվել է նաև Արտեմաս: Եղել է «մոլեբորական» Մոնարխիականների վերջին առաջնորդը Հռոմում

դրել է Չաքարիայի պապականության օրը, այսինքն Թշրինի 10-ին (=սեպտեմբերի 27-ին) և հետևաբար Ավետուհի ստացել է մարտի 25-ին, իսկ Ծնունդը՝ դեկտեմբերի 25-ին: Սակայն այս, ըստ հայ վարդապետների, անհնարին է: Քանի որ Քավության օրերը ողջ երկրի մեղքերից մաքրության օրեր էին, իսկ Չաքարիան, որ արդար էր, ինչպես կարող էր այդ օրվա խորհուրդը պղծել: Մյուս կողմից նա տարվա քահանայապետն էր, ինչպես կարող էր թողնել տոնակատարությունը և ողջ Իսրայելից Երուսաղեմ հավաքված ժողովրդին և տուն գնալ: Ահա թե ինչ է գրում այս մասին Պողոս Տարոնացին. «Եւ ժողովուրդքն որ ժողովեալ էին յօրէն յառաջնմէ, ոչ գնային, այլ անդէն մնային պաւուրս երկուտասան: Վասն զի լետ քաւութեան տօնին ի նոյն ամսեանն ի տասն և հինգ օրն՝ տօն էր տաղաւարահարացն՝ որ վկայի հաւանիւր, և վասն այսորիկ ոչ կարէին գնալ ժողովուրդքն, այլ անդէն ի տաճարն կային, զի ոչ էր օրէն պտօնն թողուլ և գնալ ի տուն, այլ անդէն դադարէին: Եւ Չաքարիա որ արդարն էր... զիարդ կարէր անօրինիլ յաւուր տօնի քաւութեանն. վասն զի յայնմ աւուր տօնի քաւութեանն քաւէր վանցանա ամենայն ժողովրդեանն: ...Եւ այս ամենեցուն յաւտնի է, զի կինն նորա ոչ էր Երուսաղեմ, այլ էր ի քղաքն Յուդա՝ ի լեռնակողմն Հրէաստանի, հեռի Երուսաղեմէ աւուրագնաց մի՝ ուր գնաց Սուրբ Կոյսն Մարիամ»⁴⁵:

Ընդհանրապես հայ մատենագրության մեջ այն կարծիքն է իշխել, թե հույները Քրիստոսի Ծննդյան հարցում մոլորվել են հերետիկոս Արտեմիդի գրություններից⁴⁶:

Իսկ ըստ Անանիա Շիրակացու Քրիստոսի Ծնունդը Մկրտության տոնից բաժանել

են Կերինթոսի⁴⁷ աշակերտները, որն և ընդունել են հույները⁴⁸:

Վ.—Ղուկաս Ավետարանիչը ասում է. «Եւ ինքն Յիսուս էր ամաց իբրեւ երեսնից ըսկըսեալ» (Ղուկ. Գ 23): Հիմնվելով այս հատվածի վրա, Հայ Եկեղեցու վարդապետները պնդել են, թե Քրիստոս «ի նախն աւուր յորում ծնաւ... ի լնուլ երեսուն ամին՝ ի նոյն աւուրն՝ եկն ի մկրտութիւն»⁴⁹, որովհետև եթե նա ծնված լիներ դեկտեմբերի 25-ին և մկրտված 30 տարին լրանալուց 12 օր հետո, դա կնշանակեր, թե նա մկրտվել է 31-րդ տարում⁵⁰:

Ե.—Քրիստոսի Ծնունդը և Մկրտությունը միևնույն օրը տոնելու մասին է վկայում նաև այդ երկու տոների խորհրդի նույնությունը: Այսպես, Ս. Ներսես Շնորհալիս ասում է. «Է և այլ ինչ խորհրդական բան. զի որպէս ծնաւ ընդ մարմնոյ ի Կուսէն սրբոյ, ծնաւ մկրտութեամբն և ի Յորդանանէ յօրինակ մեզ, և զի երկոքին ծնունդք են, թէպէտէն վանագանեալք ի միմեանց խորհրդեամբ և ժամանակաւ, վասն այնորիկ սահմանեցան ի միասին տօնել ընդ առաջնոյ ծննդեանն և զերկրորդ ծնունդն»⁵¹:

Իսկ Մխիթար Գոշը ասում է. «զի մի էր խորհուրդ անախտ ծննդեանն և մկրտութեանն, վասն այն ի միասին եղին առաքեալքն»⁵²:

Ը.—Քրիստոսի Ծնունդը հունվարի 6-ից դեկտեմբերի 25-ը փոխադրելու մի այլ պատճառ է արտահայտված Նիկիայի Հովհաննես արքեպիսկոպոսի՝ հայոց Չաքարիա Ա կաթողիկոսին (855—876) ուղղված գրության մեջ⁵³: Սույն թղթում հեղինակը փորձում

⁴⁷ Իբրև գնոստիկ գործել է Փոքր Ասիայում Ա դարի վերջին և Բ դարի սկզբին: Ըստ նրա Արարիչ Աստված տարբեր է Բարձրագույն Աստծուց, իսկ մարդ Հիսուսը՝ Քրիստոսից: Մարդ Հիսուսի վրա մկրտության ժամանակ լեզվ է Քրիստոսը (Աստծո Որդին) աղավաակներս, սակայն վերջում լեզվ է նըրան:

⁴⁸ Անանիա Շիրակացի, էջ 283:

⁴⁹ Պողոս Տարոնացի, էջ 213:

⁵⁰ Անանիա Շիրակացի, էջ 286: Պողոս Տարոնացի, էջ 225: Ներսես Շնորհալի, էջ 95, 136—137: Ստեփանոս Օրբելյան, էջ 127—128: Մովսես Երզնկացի, էջ 31: Կիրակոս Երզնկացի, էջ 26: Գրիգոր Տաթևացի, էջ 484:

⁵¹ Ներսես Շնորհալի, էջ 137:

⁵² Մխիթար Գոշ, էջ 567:

⁵³ Սույն գրությունը ընդգրկված է հայոց «Յայամատուք»-ի մեջ: Յայամատուք, Կ. Պոլիս, 1834, Ա, էջ 10—13: Այն հայերենի է թարգմանել Գրիգոր Սկենացին 1203 թ. Լևոն թագավորի հրամանով: Թղթի հունարեն բնագիրը տես՝ PG 96, 1436:

(+270): Պողոս Սամոստացուն դատապարտած Անտիոքի ժողովի (260 թ.) կողմից Արտեմիդը համարվել է Պողոս Սամոստացու ուսուցիչը:

⁴⁵ Պողոս Տարոնացի, էջ 220—222:

⁴⁶ Ստեփանոս Սյունեցի, էջ 325: Զրոյց Կոմիտասի, էջ 487: Պողոս Տարոնացի, էջ 230: Մխիթար Գոշ, էջ 567—568: Ստեփանոս Օրբելյան, էջ 115—118, 121: Գրիգոր Տաթևացի, էջ 482: Հայ մատենագրության մեջ այս Արտեմիդի մասին կա 2 կարծիք: Ըստ մի կարծիքի նա եղել է Հովհաննես Ավետարանի աշակերտը (տես՝ Ստեփանոս Սյունեցի, էջ 325: Գրիգոր Տաթևացի, էջ 482): Իսկ ըստ երկրորդ կարծիքի նա եղել է ո՛չ թե Հովհաննես Ավետարանի աշակերտը, այլ Պողոս Սամոստացու ուսուցիչը (Ստեփանոս Օրբելյան, էջ 117: Տես նաև Գրիգոր Տաթևացի, էջ 482):

է բացատրել. «Եթէ է՛ր վասն առաքելական և նախագիր կտակն Յակոբայ եղբօր Տեառն՝ որ ի վեցն յունվարի ամսեանն ցուցանէ զտօն Ճննդեանն և Մկրտութեանն Տեառն մեր, հոռոմքս փոխադրեցաք ի ղեկտեմբերի ամսեան ի քսան և հինգն զտօն Ճննդեան և ի վեցն յունվարի վմկրտութեանն»⁵⁴:

Ըստ Նիկիոյ արքեպիսկոպոս Հովհաննեսի «Գրեաց երբեմն Կիրեղ արքեպիսկոպոսն Երուսաղէմի, ոչ այն որ գրեաց զտօնըսն առ Կոստանդինոս թագաւորն որդի մեծին Կոստանդիանոսի, այլ այն որ յետ ժամանակի եկաց ի նոյն աթոռ՝ առ Յովիոս եպիսկոպոսապետն Հռոմայ և ասէ. Մեծ աշխատութիւն հասանէ պաշտօնէիցս և նուազութիւն լինի հրաշալի և փառաւոր տօնից ծննդեանն և մկրտութեան Տեառն մերոյ՝ երկոցունցն ի միում աւուր կատարելով. զի ընթերցմունքն և երգն ամենայն ըստ խորհրդեանն յաղագս բազմութեան պատույ աւուրցս և նուազութեան ժամուն անկատար մնան: Քանզի որպէ՛ս կարողութիւն ի միում աւուր կատարել իւրովի խորհրդածութեամբք՝ յայրն Բեղդեսեմի, և զնալ ժամանել ի Յորդանան և անդ վմկրտութիւնն ըստ իւրումն կատարել պատշաճից»⁵⁵: Եվ այս է պատճառը, ասում է Նիկիայի արք. Հովհաննէսը, որ «բաժանեցին զտօն Ճննդեանն և Մկրտութեանն ի միասին տօնելոյն... Եւ ոչ որպէս ոմանք զրպարտութեամբ ասեն եթէ վասն այնորիկ բաժանեցին զմի տօնն յերկուս, զի և զՔրիստոս ըստ Նեստորի երևեցուցեալ յերկուս դէմս և յերկուս որդիս»⁵⁶:

Այս բացատրութեանը ծանոթ են և այն ընդունում են Ս. Ներսէս Շնորհալին, Ստեփանոս Օրբելյանը, Կիրակոս Երզնկացին և Ս. Գրիգոր Տաթևացին⁵⁷: Ստեփանոս Օրբելյանի մոտ միայն Հռոմի պապին նամակ զըրողը ո՛չ թէ Երուսաղէմի Կիրեղ արքեպիսկոպոսն է, այլ Մակարը: Ըստ Օրբելյանի, նա «պատասխանի լուալ ի Հռոմայ թէ մեք ի ղեկտեմբերի քսանհինգ տօնեմք Ճննդեանն, զի յայնմ աւուր ի հեթանոսութեանն տօն էր արեգական և հարսանիս Ափրդեմեայ, զի տիւն սկսակի ի գիշերոյն առնուլ զմատուսն»⁵⁷:

Ամփոփելով, Հայ Եկեղեցու վարդապետների մոտ այն հաստատունն համոզումն է եղել, որ Քրիստոսի Ճննդը հունվարի 6-ին, Մկրտության տոնի հետ միասին տոնելու սովորությունը զալիս է առաքելական ժամա-

նակներից, բխում է Ղուկաս Ավետարանիչի հաղորդած տվյալներից և այդ երկու տոների խորհուրդների միությունից, մինչդեռ Քրիստոսի Ճննդը ղեկտեմբերի 25-ին տոնելու սովորությունը հետաժողովուրդի սովորություն է, սկսված Դ դարում և տիրապետած 2 դարում:

Այնուամենայնիվ, ինչպես դավանաբանական և ծիսական այլ հարցերում, այնպես էլ այս առթիվ Հայ Եկեղեցին արտահայտել է իր լայնախոհությունը և քրիստոնեական սերը Քույր Եկեղեցիների նկատմամբ: Այսպես, Ս. Ներսէս Շնորհալին ասում է. «Բայց եթէ այսպէս և եթէ այն՝ ի փառս Աստուծոյ կատարեցեն»⁵⁸: Մի այլ տեղ նույնպես շեշտում է. «Եւ որպէս ինձ թուի՝ յայսպիսի իրս յանցանք ոչ թիւ ամսոյն է կամ պատկեր աւուրն, այլ հակառակութիւնն միայն, զի յորում աւուր և տօնէ ոք անհակառակաբար, հաճոյ է Աստուծոյ»⁵⁹: Մովսէս Երզնկացին նույնպես շեշտում է, որ կարևորը ո՛չ թէ տոնի թվականն է, այլ «պիաւատով և զսիրով տօնելն»⁶⁰: Իսկ Կիրակոս Երզնկացին գրում է. «Այլ թէ մեք ի յունվարի 2-ն առնեմք, և թէ նոքայ ի ղեկտեմբերի ԻԵ-ն, ամենայն ի փառս Աստուծոյ է, զի հաւատան նոքայ և մեք, թէ ծնաւ Քրիստոս ի Կուսէն և արար փրկութիւն աշխարհի, և վասն այնորիկ տաւնեմք մեք և նոքայ... ծնունդն Քրիստոսի յորում աւուր պատուես՝ բարի է, միայն սիրով ի փառս Աստուծոյ լիցի»⁶¹:

Մնում է երկու խոսք ասել Տեառնընդառաջի⁶² և Ավետյաց տոների թվականների մասին:

Տեառնընդառաջը, իբրև տերունական տոն, կատարվել է Երուսաղեմում Դ դարից սկսած, իսկ Ե դարում այն տոնվել է նաև Ասորիքում և Եգիպտոսում, միշտ փետրվարի 14-ին, այսինքն Քրիստոսի Ճննդան տոնից՝ հունվարի 6-ից, 40 օր հետո⁶³:

Հուլյան մատենագիր Գեորգիոս Մեղավոր վանականի վկայության համաձայն Հուստինոս Ա կայսրը (518—527) Տեառնընդառաջի տոնը ներմուծում է Կ. Պոլիս և փետրվարի 14-ից փոխադրում փետրվարի 2-ը, միաժամանակ հաստատելով այն իբրև տերունական տոն, քանի որ մինչ այդ շատ վայրերում չէր դասվում այն տերունական

⁵⁴ Ս. Ներսէս Շնորհալի, էջ 95:

⁵⁵ Անդ, էջ 137:

⁵⁶ Մովսէս Երզնկացի, էջ 32:

⁵⁷ Կիրակոս Երզնկացի, էջ 26—27:

⁵⁸ Տեառնընդառաջի տոնի մասին տե՛ս Եգնիկ աթեղա Պետրոսյան, Տեառնընդառաջ կամ Քառասնօրեայ գալուստն Քրիստոսի ի Տաճարն, «Էջմիածին», 1981, Բ, էջ 22—25:

⁵⁹ Ի. Բ. 'Αναστασιου, էջ 525:

⁵⁴ Անդ, էջ 10—11:

⁵⁵ Անդ, էջ 12:

⁵⁶ Ներսէս Շնորհալի, էջ 94: Ստեփանոս Օրբելյան, էջ 121: Կիրակոս Երզնկացի, էջ 26: Գրիգոր Տաթևացի, էջ 482:

⁵⁷ Ստեփանոս Օրբելյան, էջ 121:

տոների շարքին⁶⁴: Իսկ Հուստինիանոս կայսրը (527—565), Նիկիփորոս կալիստոսի (+1335) վկայության համաձայն⁶⁵, հրամայում է այն տոները որոշ կայսրության մեջ, անշուշտ փետրվարի 2-ին, դեկտեմբերի 25-ից 40 օր հետո:

Հուլյն մատենագիրների մոտ պահպանված այս տեղեկությունները հաստատվում են Արծրունյաց Գրիգոր եպիսկոպոսի՝ «Թուղթ լեռուսաղեմե ի Հայս վասն Տեառնընդառաջին» գրությամբ⁶⁶, գրված Ձ դ.: Գրիգոր եպիսկոպոսը, լինելով Երուսաղեմում, ակահատես է լինում այն պայքարին, որ մղվում էր մի կողմից կայսերական պատվիրակների և մյուս կողմից Երուսաղեմի եկեղեցու միջև: Մինչ «ի ժամանակս Յուստինիանոսի կայսեր, լեռնալեռորդի երրորդի ամի թագաւորութեան նորա» կայսրը «գրէ թուղթ լեռուսաղեմ առ Յուստոս հայրապետն և առ Երուսաղեմացիս ամենայն, զի փոխեցնեն զտուր Տեառնընդառաջին աւրն ըստ Մենդեան ի քսան և հինգն դեկտեմբերի ամսոյ, որպէս և յայլ քաղաքսն ստութեամբ առնեն զայս»⁶⁷, երուսաղեմցիները պայքարում են Տեառնընդառաջի տոնը ըստ հնագույն սովորության, փետրվարի 14-ին տոներու համար: Այս պայքարը, որ սկսվում է Հուստոս հայրապետի օրոք, շարունակվում է նաև Մակար հայրապետի օրոք:

Սույն պատմությանը ծանոթ է նաև Ս. Գրիգոր Տաթևացին, որ այս առթիվ գրում է. «Վասն տօնի Տեառնընդառաջին առաքեաց Յուստինիանոս կայսրն լեռուսաղեմ զօրս բաւում երիցս անգամ, զի զքառասնօրեայ գալուստն ի տաճարն՝ ըստ Մենդեանն տօնեցեն և ո՛չ ըստ Յայտնութեանն, որ է յունկարի վեցն, զոր մեք տօնեմք ևս օր թուեալ մինչև ի ԺԴ-ն փետրվարի... Եւ յառաջին ամիսն Յօստոս էր հայրապետ լեռուսաղեմ, իսկ լեռկորդն սուրբն Մակար»⁶⁸:

Անանիա Շիրակացին, խոսելով Քրիստոսի Մենդեան տոնի մասին, ասում է. «Գիտեմ տակաւ ի տունաց որք զադ տաւնէին մինչև ի Յուստինիանոս թագաւոր: Եւ ի նմանէ հարկաւորեալք ամենեքեան ընկալան Երուսաղեմ, Հոռով, Աղեքսանդր եւ ամենայն աշխարհ»⁶⁹: Այս փաստը վկայում է, որ հավա-

նաբար, Ձ. դ., բյուզանդական Հուստինոս և Հուստինիանոս կայսրերի կողմից կարգավորվել են ո՛չ միայն Տեառնընդառաջի, այլ նաև Ավետման և հարակից այլ տոների թվականները, եպիսկոպոսն ունենալով դեկտեմբերի 25-ը:

Այն, որ մինչև Ձ. դ. Տեառնընդառաջը տոնվել է փետրվարի 14-ին, ինքնին մի ապացույց է Քրիստոսի Մենդեմը հունվարի 6-ին տոներու սովորության հետևանքով:

Ավետման տոնի առաջին հիշատակությունը հանդիպում ենք հունարեն «Ջատկական ժամանակագրություն» երկում, 624 թ.-ին: Հաջորդ վկայություններին հանդիպում ենք Տոլեդոյի (656 թ.) և Տրուլոյի (691 թ.) ժողովների կանոններում⁷⁰:

Հայ իրականության մեջ Ավետման տոնի մասին խոսում են Անանիա Շիրակացին⁷¹ և նրան հաջորդող հեղինակները:

Մխիթար Գոշը Ավետյաց տոնի հաստատումը Հայ եկեղեցում կապում է Ս. Գրիգոր Լուսավորչի անվան հետ. «Եւ դարձեալ մեր Լուսավորչին Գրիգորիոս վԱնտեաց տաւնն՝ առ ի խափանել զմոլորութիւն, զոր տաւնէին Անահիտ տիկնոջն, անդ ետ ի Նաւասարդի ԺԵ, զայն ի Ձ (զայն որ է Ե) ապրիլի, ըստ թուոյ աւուրց...»⁷²:

Հայ մատենագիրների մոտ Ավետյաց տոնի համար հանդիպում են երկու թվականներ, ապրիլի 6 կամ ապրիլի 7: Հնում տարածված էր ապրիլի 6-ը⁷³: Սակայն աստիճանաբար տիրապետող է դարձել և այսօր արդեն ընդունվել է ապրիլի 7-ը⁷⁴:

Այս տարբերությունը առաջացել է, հավանաբար, նրանից, թե ո՞ր օրն է համարվել Եղիսաբեթի իղիության թվականը: Այսպես, մինչ մատենագիրների մեծ մասը ընդունում են Թշրին 22—հոկտեմբերի 9-ը, ինչպես տեսանք արդեն, Գրիգոր Տաթևացին ասում է. «ի յուսանայ 10 (հոկտեմբեր) ամսոյն, որ է Թշրինի 23: Արդ՝ աստի մինչ ի նիսանի 17 և յապրիլի 7...»⁷⁵:

⁷⁰ Տե՛ս, 'Ա. Παπαδόπουλος, էջ 93:

⁷¹ Անանիա Շիրակացի, էջ 288:

⁷² Մխիթար Գոշ, էջ 568:

⁷³ Ջրոյց Կոմիտասայ, էջ 484: Կիրակոս Երզնկացի, էջ 26: Մովսես Երզնկացի, էջ 32: Ներսես Շնորհալի (որոշ ձեռագրեր), էջ 94, 95, 136 և այլն:

⁷⁴ Անանիա Սանահինցի, էջ 71: Ներսես Շնորհալի (որոշ ձեռագրեր) էջ 94, 95, 136: Գրիգոր Տաթևացի, էջ 483: Օրացոյց 1986, Մայր Աթոռ Ս. էջ միածին, էջ 7, 53:

⁷⁵ Գրիգոր Տաթևացի, էջ 483:

⁶⁴ Տե՛ս 'Ա. Παπαδόπουλος, էջ 88:

⁶⁵ Տե՛ս անդ, էջ 89:

⁶⁶ Հր. Ն. Խաչ. Մովսէս, «Սիոն» 1964, էջ 33—

36:

⁶⁷ Անդ, էջ 33:

⁶⁸ Գրիգոր Տաթևացի, էջ 484—485:

⁶⁹ Անանիա Շիրակացի, էջ 290: